


ASÚNTU NE'EBÉ PRESIZA TAU ATENSAUN

- ▶ Du'un Malu Buan impaktu violénsia
- ▶ Alkol/tua impaktu ho violénsia
- ▶ Juventude ho violénsia
- ▶ Disputa rai / hadau malu rai
- ▶ Oknum F-FDTL hala'ó asaun ho violénsia
- ▶ Debe no tusan impaktu ho violénsia
- ▶ Disputa Be'e moos
- ▶ Animál tama to'os hamosu konfliktu entre ema

TOTÁL INSIDENTE NE'EBÉ RELATA KADA DISTRITU


Distritu	Insidente
Dili	15
Lautem	9
Oekusi	5
Likisá	5
Manufahi	5
Manatuto	5
Aileu	4
Ainaro	4
Ermera	3
Bobonaro	3
Covalima	2
Baucau	1
Vikeke	0
Total	62

TOTÁL INSIDENTE NE'EBÉ REPORTA HUSI NOVEMBRU – 2012 TO'O NOVEMBRU 2013



Dadus ne'e hatudu katak maske insidentes aumenta durante fulan ida husi Outubru 2013 to'o November 2013, insidentes total tu'un durante tinan ida husi Novembru 2012 to'o Novembru 2013. Bele hetan sumariu insidente klaru liu iha www.belun.crowdmap.com

KARATERÍSITIKA INSIDENTE



DU'UN MALU BUAN IMPAKTU IHA VIOLÉNSIA

Umamane Ta'a Mate Manefoun Mane Ida

Persepsaun komunidadade remotas kona ba buan refere ba ema ne'ebé uza/kaer aikulit a'at ne'ebé halo ema ida moras no bele mós halo ema ida lakon isin/mate. Ne'e mak interpretasaun komunidadade iha area rurais no urbanu sira kona-ba buan ne'ebé lori sira ba ambiente konfliktu ida entre família no entre komunidadade, hanesan ezemplu mak; Insidente ida akontese tanba membru família rua nu'udar umamane no manefoun. Hahu husi umamane du'un manefoun buan nune'e mosu reasaun husi manefoun ho ninia grupu ba halo asalta fíziku, lori katana ta'a kanek parte umamane, mane rua kanek todan ida kanek iha ulun no ida seluk fali kanek iha kakorok. Umamane ninia grupu atake fali ba manefoun no impaktu ema ida mate tanba ta'a ho katana, uma 8 hetan sunu husi parte manefoun no komunidadade iha bairu laran halai ba fatin seluk, hodi salva a'an.

Rezolusaun ba insidente ne'e mak autor tama ona iha sela, família parte rua iha hanoin atu Nahe Biti boot maibé seidak realizá to'o ohin loron.

Insidente ligadu ho buan akontese iha distritu rua hanesan; Distritu Dili (1) no Distritu Likisá (2).

KONSUMU ALKOL IMPAKTU HO VIOLÉNSIA

Manefoun baku umamane tanba tua lanu

Distritu Ermera, Mane ida nu'udar manefoun ho ninia kaben bá ninia banen mane nia uma, hodi selebra loron boot matebian nian hamutuk. Iha kalan, wainhira sira hemu tua

hamutuk umamane (banen mane) husu manefoun atu hola tan tua, maibé, tanba manefoun lanu ona, nia hamrik hodi loke nia banen mane niaibun no fakar tua restu bá nia banen niaibun laran. Banen mane mós tuku kedas manefoun no nia oan mane nain sia hamrik hodi baku hasoru sira nia manefoun to’o kanek todan. Manefoun halai liu bá nia uma. Hafoin loron tuir mai manefoun hatete nia família, kona-ba insidente ne’e no família husi manefoun nian mai fali hodi halo asalta fíziku hasoru umamane sira no impaktu ba umamane (banen mane) hetan kanek iha ulun.

Asaun resposta ba insidente hala’o husi Xefi Aldeia, Xefi Suku no PNTL Eskuadra Hatolia atu rezolve tuir família. Maibé, parte rua seidak hakarak atu rezolve no relasaun entre parte rua nafatin la diak bá malu.

Insidente ne’ebé ligadu ho alkol akontese iha distritu sira hanesan; Distritu Aileu (2); Distritu Bobonaro(2); Distritu Ermera (2); Distritu Manatuto (1); Distritu Dili (4); Distritu Lautem (2); Distritu Oekusi (2); Distritu Manufahi (1).

ASAUN VIOLÉNSIA KOMETE HUSI JUVENTUDE

Joven mane grupu ida baku no sona kanek joven mane ida

Distritu Dili, joven mane grupu ida ne’ebé tau odiu ba joven mane seluk tanba problema partikular hala’o asaltu fíziku hasoru joven mane ida hodi baku joven mane ne’e to’o kanek no uza tudik sona kanek joven mane ne’e kona iha kabun.

Resposta bá insidente hala’o husi lider komunitária hodi halibur parte rua no rezolve kedas insidente tuir dalan família nian.

Insidente ne’ebé ligadu ho asaun violénsia entre joven akontese iha distritu sira hanesan; Distritu Dili (2); Distritu Manatuto (2); Distritu Likisá (1); Distritu Lautem (6); Distritu Oekusi (1); Distritu Manufahi (3).

ASAUN VIOLÉNSIA IHA DISPUTA RAI

Maun alin insulta malu tanba disputa rai

Distritu Oekusi. Mane nain rua, maun alin, halo asalta verbál hasoru malu tanba disputa rai. Mane ida ne’ebé nu’udar maun sein koñesimentu husi nia alin nu’udar rai nain tama alin nia kintál hodi lori katana tesi estraga aihoris ne’ebé nia alin kuda no nia iha intensaun atu hadau rai ne’e. Wainhira

alin mane hare’e atitude nia maun nian no la satisfas hodi koalía maka’as ba nia maun no sira nain rua insulta malu. Alin bá hato’o keisa iha Polísia, konsege rezolve kedas insidente ne’e ho dalan mak nia maun konfesa nia sala hodi kuda fali ai oan ne’ebé nia tesi estraga no fo’o fali rai ba nia alin. Relasaun entre parte rua diak malu fali ona.

Dipusta rai bele desintegra unidade ida iha kontestu fámiliar, comunidade no sociedade. Tanba ne’e mak utilizaun meius pasifiku nu’udar rezolusaun iha konfliktu ida, prezisa sai nu’udar dalan uniku, sela’e disputa rai sei kontinua hamosu tensaun ne’ebé risku ba desintegridade sosiál iha Timor Leste iha futuro mai.

Insidente seluk ligadu ho disputa rai akontese iha distritu sira hanesan; Distritu Dili (1); Distritu Covalima (1); Distritu Likisá (1); Distritu Manatuto (1); Distritu Baucau (1); Distritu Ainaro (2); Distritu Lautem (1); Distritu Oekusi (1).

EMA DESKOÑESIDU HO ASAUN VIOLÉNSIA

Emas deskoñesidu sunu uma família ida nian iha Santa Cruz

Distritu Dili, emas deskoñesidu sunu família ida nia uma dapur iha Santa Cruz. Hafoin insidente tuir mai iha data ne’ebé la hanesan família ne’e nia uma mós hetan sunu husi emas deskoñesidu. Xefi Suku informa katak insidente ne’e família vítima ne’ebé uma hetan sunu hato’o ona keisa ba Xefi Suku no PNTL maibé seidak hetan pesoa ka autor tanba autor ne’e emas deskoñesidu.

Insidente ligadu ho asaun violénsia husi emas deskoñesidu akontese iha distritu Dili.

ANIMÁL TAMA TO’OS HAMOSU KONFLITU ENTRE EMA

Mane grupu ida baku joven mane ida

Distritu Ermera, Mane grupu ida halo asalta fíziku ba joven mane ida tanba joven mane ne’e nia karau tama to’os no estraga aihoris no aihan iha to’os laran.

Insidente ne’e hetan atusaun husi lider komunitária, Monitor Belun, PNTL hodi haruka parte rua konfliktu halo deklarasaun atu labele komete tan hahalok violénsia iha futuro. Grupus joven mane ne’ebé baku joven mane animál nain ne’e hatama iha prizaun preventiva durante oras 72 hodi kumpri ba nia atitude.

Insidente ligadu ho animál tama to'os no violénsia entre ema akontese iha distritu sira hanesan; Distritu Ermera (1); Distritu Ainaro (1); Distritu Aileu (1).

OKNUM F-FDTL KOMETE IHA ASAUN VIOLÉNSIA

Oknum F-FDTL ho nia maluk sira asalta família ida iha Aileu

Distritu Aileu, Oknum F-FDTL mane ida hamutuk ho nia maluk joven grupu ida halo asalta fiziku ba família ida hodi baku mane ida nu'udar Xefi família tanba deskoñfia katak mane ne'e mak na'ok ikan ne'ebé oknum F-FDTL ne'e hakiak iha kolam. Insidente ne'e impaktu fetu ne'ebé nu'udar dona da casa ne'ebé isin rua todan hetan trauma tanba hare nia la'en hetan baku. Laiha parte ida mak responde ba insidente ne'e no relasaun parte rua kontinua la diak.

Insidente violéntu ne'ebé komete husi Oknum F-FDTL ne'e akontese iha Distritu Aileu (1).

DEBE NO TUIR TUSAN IMPAKTU IHA VIOLÉNSIA

Mane katuas ida ho fetu ida insulta malu tanba tusan

Distritu Ainaro, Mane ho fetu ida insulta malu tanba tusan. Motivuhusi insidenti mak joven mane ida ne'ebé hela ho fetu ne'e ba debe mane katuas ida nia osan, promete atu selu tuir data ne'ebé sira konkorda ba malu. Tanba data ne'ebé konkorda atu selu debe to'o ona, mane joven la ba selu tanba ne'e mak mane katuas mai tuir tusan iha joven mane nia uma, tanba osan laiha mak mane katuas ne'e atu tesi ai teka ne'ebé iha uma hun tanba ne'e mak fetu (uma nain) ne'e la simu hodi sira insulta malu.

Insidente ne'ebé ligadu ho debe malu no tuir tusan akontese iha distritu sira hanesan; Distritu Ainaro (1); Distritu Oekusi (1).

INSIDENTE SELUK

Prizoneiru 45 halai sai husi Komarka Bekora

Distritu Dili, prizoneiru 45 halai sai husi Komarka Bekora hafoin sira baku mane nain rua nu'udar guarda prizaun nian. Liu tiha oras hirak nia laran Polísia consege kaptura fali prizoneirus hamutuk nain 35. Depois liu tiha semana ida, Polísia UPF kaptura tan prizoneiru nain lima seluk.

Verifikasaun ikus ne'ebé hetan katak prizoneiru nain rua kaptura tan ona hela tan ema nain tolu mak seidauk kaptura no halo hela esforu husi Polísia, F-FDTL no comunidade hodi buka no informa kona ba, prizoneirus sira ne'ebé seidauk kaptura.

Insidente ne'e kria trauma husi parte vítima tanba vítima sira tauk katak autor ne'ebé halai sai husi Komarka sei buka sira.

Insidente seluk ne'ebé akontese iha fulan Novembru nian iha distritu sira hanesan; Distritu Dili (3); Distritu Bobonaro (1); Distritu Covalima (1); Distritu Ainaro (3); Distritu Oekusi (2).

ASAUN VIOLÉNSIA LIGADU HO DIPUSTA BE'E MOOS

Feto nain rua rakut malu tanba hadau malu bee moos

Distritu Dili, fetu nain rua ne'ebé bai-bain sempre bá kuru bee moos iha bee matan rakut malu. Feto ida to'o uluk bee matan no hahu kuru bee hafoin fetu seluk ne'ebé atu kuru bee hakat mai sees tiha fetu ne'ebé kuru hela bee.

Tanba fetu ida seluk la simu ho nune'e mak nia insulta verbál hasoru fetu ne'e no sira nain rua insulta malu too baku malu, no ida hetan kanek iha inus no ida seluk fali kanek iha ain los.

Insidente ne'ebé ligadu ho disputa bee moos akontese iha distritu sira hanesan; Distritu Dili (1); Distritu Likisá(1); Distritu Manatuto (1); Distritu Oekusi (1).

ATIVIDADE PREVENSAUN NO RESPONDE BA KONFLITU

Atividade ne'ebé hala'o husi Programa DAME iha fulan Novembru mak hanesan tuir mai ne'e;

Atividade Nivel Subdistritu.

- I. Iha dia 18-19 de Novembru 2013 ekipa DAME hala'o treinamentu no fahe relatóriu Asesmentu Kapasidade Rede ba Rede Prevencaun no Responde Konflitu (RPRK) iha Subdistritu Metinaro.
- II. Atividade Fundus Kí'ik implementa iha Subdistritu sira hanesan tuir mai ne'e;
 - Rede Prevencaun no Responde Konflitu Subdistritu Baucau, iha data: 5 to'o 7 de Novembru 2013, kona ba sosialisasaun Konsensus pre-dekonsentrasaun.
 - Rede Prevencaun no Responde Konflitu (RPRK) realiza sosialisasaun konab-ba Direitu ba rai no nai

REKOMENDASAUN

ba rai ba Suku-Suku iha Subdistritu Laulara, iha dia: 23 to'o 25 deNovembru 2013.

- Rede Prevensaun no Responde Konfliktu (RPRK) realiza sosialisasaun kona ba rumoris falsu hodi halo prevensaun ba comunidade nia intrepertasaun ba Suku 3 iha subdistritu Remexio, iha dia: 25 to'o 27 de Novembru 2013.
- Rede Prevensaun no Responde Konfliktu (RPRK) realiza Sorumutu ba Dame Metinaro Oan, iha dia: 11 to'o 15 de Novembru 2013.
- Rede Prevensaun no Responde Konfliktu (RPRK)Subdistritu Likisá, realiza semináriu konab-ba Dieritu ba rai no nain ba rai, iha dia: 15 de Novembru 2013
- Rede Prevensaun no Responde Konfliktu (RPRK) subdistritu Maliana, realiza Sosialisasaun lei ba rai iha data: 22de Novembru 2013,.

Ekipa Mediasaun Rezolusaun no Disputa hala'o mós sira nia atividade mediasaun ba disputa rai hamutuk ne'en (6) iha fulan Novembru ne'e iha distritu Dili.

Atividade Nivel Aldeia Ekipa Mediasaun Rezolusaun no Disputa (MRD). Iha dia 22 de Novembru 2013, Belun Parseria ho Diresaun Terras e Propriedade e Servico Cadastrais (DTPSC) Distritu Manatuto realiza enkontru komunitária iha Aldeia Obratu, Suku Sau, Subdistritu Manatuto, hodi fahe informasaun kona ba rezolusaun disputa rai ba konseilu de Suku no comunidade.



Parlamentu Nasionál

Presiza diskuti, kria no aprova lei ida kona ba alkol atu haforsa:

- Regulamentu kona ba kualidade no nivel (porsentajen) alkol no etanol ne'ebé iha tua laran;
- Regulamentu asesu ba alkol liu husi bandu atu fa'an alkol hotu-hotu ba joven sira ho tinan 18 mai kraik;
- Regulamentu ba distribuissau alkol, liu husi introdusaun bandu ida kona ba fa'an alkol depoisde tuku 11.00 kalan to'o tuku 6 dader.

Ministéiru de Saude

- Fo apoiu finanseiru ba media sira hotu atu fahe informasaun kona ba programa moris saudável, partikularmente foka liu ba prevensaun ba uza alkol no droga.

Sekretáriu Estadu de Agua e Saniamentu

- Halo peskiza iha comunidade remote sira atu hatene comunidade ne'ebé mak presiza bee moos no hamosu política bá kanalizasaun bee moos ba comunidade sira.

Sekretáriu Estadu de Defeza – F-FDTL

- Halo asaun disiplinár bá membrus F-FDTL ne'ebé mak komete iha asaun violénsia tuir regras internál ne'ebé Instituisaun F-FDTL iha.

Sekretáriu Estadu Formasaun Profesionál no Empregu koopera hamutuk ho Ministériu Komersiu Industria no Kooperativa.

- Haforsa atividades sira ne'ebé hatan ba forsa laborál no kontinua kria servisu iha nasaun laran;
- Hamosu atividade ne'ebé dezenvolve kapasidade emperezariál no kapasidade tekniku, nomos suporta emperezaria ne'ebé joven sira mak harii.

Karik presiza atu konfirma kona ba konteudu tomak revista situasaun fulan Novembru 2013, ita boot sira bele kontaktu mai:**Marilia Oliveira da Costa: Manajer programa AtRes, bylah.belun@gmail.com**(+670 7727-6671).

Pedro de Araújo dos Santos - Ofisiál Política Públiku, pedroa.belun@gmail.com. (+670 7700-1421).